

112 年全國語文競賽原住民族語朗讀 【卡那卡那富語】國中學生組 編號 1 號

capai tan'a'a mataa takukua

tinimana cu kara kasu umoni tan'a'a mataa takukua? sua tan'a'a ia makasi, “ 'ak! 'ak! 'ak! ”. sua tatutua ia makasi, “ ku~ ku~ ku~ ” misee.

'una cau makasi, tumatimana tan'a'a umoni. makai kani mapinipini! makai 'una nimaroka nonoman 'esi tikirimi. sua takukua tamna riang ia, miarara kani. makai nipamuci 'esi pai'e'i! makananu kusai cupungu musu? cinimu'ura cu kara kasu tan'a'a mataa takukua, 'esi arakukunu na kakangca mingane? cinimu'ura cu kara kasu 'esi arakukunu nguani sumasima'u? koo pa ku cinimu'ura. 'una kari makasi, tan'a'a mataa takukua ia, pakacangini kani. 'apaco'e maraa tatia sua takukua, nakai ma'icupu na tan'a'a. ka'anu aracapici 'inia. neni kusai vanai? nipacupungu cu kara kasu?

miana, cani pininga kani tan'a'a mataa takukua. meesua maatua nguani tamna capai. paira maracocua arakanu. noo 'unain niaracakana ia, kungangaan nguani. pakar'u arakukunu. 'una kani cani rovana. kana'amisan meesua. makungu taniara. mara nguani maringuna karu, na tarako vatu matu'apuru micicu. paru'una cu tassa. makasi tan'a'a, tantanau isi. miseni maningcau cucumeni tapinange, manung timanunu nguani tamna riang. ka'anu manung capai mita, aka riang mita? marivari takukua, 'una ku

kavangvang makasia cupungu, cucuru parapusu 'ikua! nakai tia pakunnanu ia? makasia kucu! aritapasun mita. makasi sua tan'a'a. maritapasu nanu? kesoni sua takukua. aapungu mita misee sua tan'a'a. u'u! namune'i cu 'itumuru kari, maritapasu cu kita masini!

mu'uru'uru tan'a'a maritapasu na takukua tamna aapungu. mara tan'a'a karananana tapasu, matimanungu maritapasu 'inia. makai cu masini cu'uraa mita capai takukua. pumanungu takukua musu'unu na tan'a'a. tia cu mairi takukua maritapasu na tan'a'a. vurungana cu meesua. masarumpu cu tassa. mipukuru vo'in sua tan'a'a. mu'upupungu cu takukua mara 'amuru. maritapasu na tan'a'a tamna tina'an. makasua si'icupu cu.

akini taniara. mu'uru'uru takukua aramia'u. cu'urunu kee tan'a'a ta'urum kavangvang tina'an. cucuru aka cu'urunu. tavara'u nguain tia arakuracu sua tan'a'a. koo pa maritaru tan'a'a aramia'u, makacang mingane manguru. aranai meesua, koo cu nguani arakukunu. pakacangini matarava masini.

112 年全國語文競賽原住民族語朗讀 【卡那卡那富語】國中學生組 編號 1 號

烏鴉和老鷹的長相

你聽過烏鴉和老鷹的啼叫聲嗎？烏鴉的叫聲是如此：「'ak！ 'ak！ 'ak！」。老鷹的叫聲是如此：「ku~ ku~ ku~」。

有人說，聽烏鴉的叫聲，好像很緊張！像正在找尋遺失的東西。

老鷹的叫聲好像很孤獨，像做錯事在後悔！聽說烏鴉和老鷹彼此仇視。雖然老鷹體型較大，但是他會怕烏鴉，不敢接近牠們。

傳說烏鴉和老鷹原本是一家人，當時牠們的長相一樣，經常一起狩獵，彼此友愛的相處。有一個冬天夜晚，牠們在石頭洞裡生火取暖，烏鴉說，為什麼別的鳥類都很漂亮，他們的叫聲也很好聽，而我們的長相不美麗，聲音也不好聽？老鷹說，我也有這種想法，這樣吧！我們用畫的，就畫我們的羽毛！

烏鴉先畫老鷹的羽毛，拿了顏料，畫上現在我們所看到老鷹的樣貌，老鷹很滿意。換老鷹畫烏鴉時已是深夜，烏鴉已閉上了眼睛，老鷹隨手拿了木炭隨意的塗鴉就睡覺了。

第二天早上，老鷹醒來，看到烏鴉全身是黑色的，非常難看，牠知道烏鴉會生氣，沒等烏鴉醒來就飛走了。從那時開始，牠們就沒在一起過，彼此仇視到現在。